

ÉNTE LES CABERES MDÍES DEL GOBIERNU PA PARALIZAR EL **COVID-19**

[29/03/2020]



SI TRABAYAMOS EN PLENA CRISIS SANITARIA. SI MOS ESFORZIAMOS. SI MOS ESPONEMOS AL ANDANCIU. ¿POR QUÉ VAMOS PAGAR?


La CNT solicitó al Governu, al traviés d'una carta, que se defendieren los puestos de trabayu y que se consideraren, con presunción de nulidá, tolos despidos realizaos mientras l'estáu d'alarma. Esta ye la única forma de protexer l'empléu, pero lo que realmente realizó'l Governu, ye una forma de ilegalizar el despidu al traviés d'un fraude. Decidió que les midíes nes que s'amparen la suspensión de contratos y l'amenorgamientu de xornada nun son xustificatives pa poder despidir, poro, considera que'l despidu ye IMPROCEDENTE. Improcedente o non, un despidu ye un despidu y poro l'empléu nun foi defendíu con esta medida.

Si entendemos esta norma como una de les causes que xustificuen la defensa del empléu, con esta medida nun se consigue. Por ello, dende CNT, esiximos que se tome la medida afayadiza, ye dicir, que'l DESPIDU SEYA DECLARÁU NULU. Namás d'esta manera puede defendese l'empléu y, anque'l Governu lo sabe perfectamente, insiste en nun llevalo a cabu y nun defender los intereses de la Sociedá.

La cabera medida desendolcada pol Governu, ye'l permisu retribuíu recuperable. Creemos que ye una forma errónea de calificar esta medida, yá que, **nun ye un permisu retribuíu**, porque, a la fin, si tien de recuperase, nun ye un permisu, yá que los trabayadores han de realizar hores extres pa pagar esti "**paro obligatorio**".

Una vegada más, nun se tien en cuenta a la parte más débil, a la clas que ta xugándose diariamente, nesta crisis, la vida y la salú. Oblígasenos a nun dir y a pagar estes hores con más esfuerzu del que yá tamos realizando. Esti ye otru exemplu de cómo se ta xestionando esta crisis por parte del Governu. **Esixi-y más a la clas trabayadora.**

El Governu nun s'atreve a esixir un pequeñu esfuerzu a quien más tien. Por ello, CNT va doblar esfuerzos pa garantizar que la seguridá y la salú de les persones trabayadores y la sociedá en xeneral, tean per delante de los intereses económicos de les grandes fortunes y mercaos.



Ún de los cambeos más radicales que ta realizando'l Governu, y en cada medida puede verificase, ye na negociación colectiva. Quier que los sindicatos mayoritarios seyan quien negocien anque nun tengan presencia nel centru de trabayu. Ta facilitando a estos sindicatos qu'ensin nengún tipu de pudor firmen los ERTÉs, o en como na última medida, qu'axusten la forma de recuperar les hores del "paru obligatorio". Debíu a que nun ye OBLIGATORIU recuperar estes hores, sinón que depende de la negociación colectiva, si les dexamos en manes de sindicatos ensin presencia na empresa, desconocíos para la plantiya, van firmar fácilmente que se recuperen toles hores. Por ello, dende CNT, facemos un llamamientu **a toes les y los trabayadores**, a que **SE PONGAN EN CONTACTU COLA CNT MAS CERCANA**, realicen asamblees de centru de trabayu y **NUN SE FIRME RECUPERAR TOLES HORES**.

Les y los trabayadores somos los mesmos a los que se nos aplaude diariamente, pero cuando se nos tien que compensar pol nuesu llabor y el nuesu sacrificiu, nun se nos ayuda, oblígasenos a que sigamos pagando. Si oblíguennos a parar nun tenemos de ser quien lo terminemos pagando.

SOMOS LOS Y LES HEROINES DE LA LLUCHA CONTRA EL COVID-19,
LA CNT NUN FIRMA LA RECUPERACIÓN D'ESTES HORES. DÉBENNOSLO.

CONFEDERACIÓN NACIONAL DEL TRABAYU - www.cnt.es

